



Šest osoba iz Zenice inicijala I. G. E. G. A. S. S. B. J. i E. Š. uhapšeno je jučer u združenoj akciji kodnog naziva Zenit, koju su izveli pripadnici SIPA i MUP-a ZDK-a.

Akcija je provedena po naredbama Posebnog odjela za organizirani kriminal, privredni kriminal i korupciju Tužilaštva BiH i Suda BiH, a pretreseni su objekti na osam lokacija na području općine Zenica (od kojih je jedna u selu Orahovica, 20-ak kilometara udaljenom od Zenice). Uhapšene osobe sumnjice se za organizirani kriminal, odnosno neovlašteni promet opojnim drogama.

#### Saradnja

U pretresima je pronađeno i privremeno izuzeto oko 600 grama spida te smjesa za miksanje droge, manje količine skanka, četiri precizne digitalne vage, dva pištolja sa šest okvira, 91 metak, više mobilnih telefona i SIM kartica, te drugi predmeti koji mogu poslužiti kao dokaz u daljem postupku.

Akcija Zenit nastavak je sinhronizirane operativne akcije na suzbijanju međunarodne trgovine drogom, a u okviru koje su u prethodnom periodu policijski organi Republike Hrvatske zaplijenili 3,2 kg spida i sedam kg smjese za miksanje droge, a koji su krijumčareni iz Kraljevine Holandije prema BiH,

### Akcija Zenit pripadnika SIPA i MUP-a ZDK-a

# UHAPSENO SEST OSOBA, NAĐENI SPID I SMJESA ZA MIKSANJE

Pretresi izvršeni na osam lokacija, privedeni se terete za međunarodni šverc narkotika



dok su nadležni organi Austrije zaplijenili oko 300 grama skanka, koji je švercovan iz BiH u Austriju.

Za krijumčarenje ove droge sumnjice se osobe uhapšene u juče-

rašnjoj akciji SIPA i MUP-a ZDK-a. Nad šestoricom privedenih u prostorijama SIPA će biti izvršena kriminalistička obrada, nakon čega će u zakonskom roku, kako je is-

taknuto iz ove agencije, uz izvještaj o počinjenom krivičnom djelu i izvrišiocima, biti predati na dalje postupanje Tužilaštvu BiH.

Prema riječima Borisa Grubešića, portparola Tužilaštva BiH, u ovom predmetu je ostvarena dobra i koordinirana saradnja sa policijskim i pravosudnim organima Austrije i Republike Hrvatske, što je još jedan od dobrih primjera međudržavne regionalne saradnje u borbi protiv krijumčarenja teških opojnih droga.

Podsjetimo, više od tri kilograma amfetamina i sedam kilograma smjese za miješanje s tom drogom pronašli su varaždinski policajci i carinici u kamionu bh. nacionalnih oznaka, koji je 5. decembra na graničnom prelazu sa Slovenijom Dubrava Križovljanska pokušao ući u Hrvatsku. Vrijednost pronađene droge je oko 320.000 kuna (oko 89.000 KM), dok

bi mješavina droge i smjese pri prodaji krajnjim konzumentima postigla cijenu oko milion kuna (oko 270.000 KM), saopšteno je dan kasnije na konferenciji za novinare u Varaždinu. Droga je uz pomoć službenog psa nađena u jednoj od paketa s legalno deklariranom robom.

#### Vozač i suvozač iz BiH

Policijski službenici granične i kriminalističke policije Policijske uprave varaždinske, u saradnji s varaždinskim Carinskim uredom i Odjelom za mobilne jedinice Varaždin, zaplijenili su tada 3.127 grama amfetamina i 7.390 grama smjese s pretežitim sadržajem kofeina, koja služi za miješanje s amfetaminom. Teretnim vozilom upravljao je 31-godišnji državljanin BiH, a u vozilu je bio još njegov 38-godišnji sunarodnjak. **M. D.**